

ذار الفنون

حقوق فائز و لیتیز مجتبیٰ

مقوق ، اقتصادیات

ایکی آیمه بر نشر اولنور

مندرجات

قسم حقوق :

اسویچره قانون مدنیسنه نظراً هبه حاجی عادل
المانیاده وصایت محکمه لری و وصایت ایشلری (محکمه اصلیه اعضاسندن) صبری
قتل ولید ادهم طاکف
اسویچره قانون مدنیسی شرحی وصفی راشد
فرالسهده شورای دولت »

قسم اقتصادی :

مصارف عمومیه زهدی
اجتماعی سیغورطه لر حامد

قتل ولید INFANTICIDE

معلومدر که قانونی سلیمان دورینه قدر حکومت اسلامیة جه احکام شرعیة مسائل حقوقیه و جزائیة معمول به اولمش و قانونی دورنده ایسه حکومت ازمان ایله احکامک تبدل ایده جکنه بر چوق غیر قابل حل احوال قارشوسنده قالمق صورتیله قانع اولدیغندن قوانین دولت یکیدن تنظیم ایدیله رک احکام جدیده قونمق ایسته نمش ایسه ده زمانک صاریقلی جاهلری ایسه قاریشه رق احکام شرعیه لایتغیر در دیبه قوانین جدیده نک وضعنه مانع اولمق ایسته مشلر و واضع قانونک منطقی اقتاعاتنه قارشو، کیفیت محق اولمغله برابر آتیا هر کس طرفندن برر ذیل یازلمق صورتیله احکام شرعیه نک بسبتون دکیسه جکی، مرقومونجه ایلری سوریه رک قانون نامه نک نشرینه سد چکلمک جهته کیدلمش ایسه ده علاوه اولنان بر قاج مادک دخی نصو صدن مقببس اولدینی و اساساتک ذاتاً احکام شرعیه دن اولدینی بیان قلنه رق کوچلکه احکام عتیقه یه بعض ماده لر علاوه اولمشدر . قانونی زمانندن شمعی یه قدر بعض مستثنا زمانلر چیقارلدقن صکره عصر لرجه مدت پادشاه و حکومتلری ملتک این و اضطراباتنه چاره بولمقی، زمان ایله ظهور ایدن بر چوق احواله قارشو حق و حقوقی تثبیت و بناء علیه احکام و قوانین جدیده وضعیله مملکت امورینی تنظیم ایتکی دوشنمکدن زیاده سفاهت و سلطنت مصطبه لری قورمنی دوشوندکارندن اوزون مدت بی چاره ملت استبدادی مواد و احکامک ربونی قالمش و محدود ماده متعلق اولوب آلدیه بولنان احکام شرعیه ده تورلوتورلو اجتهادلرله اصلندن چیقاریله رق استبدادی و خرافه وی بر شکه صوقولمشدر . فی الواقع ۱۲۸۵ ده سعدالله پاشا قدری پاشا و آرتین افندی (مالیه ناظری آرتین پاشا) سعید بک (شورای دولت اعضا سندن) اوخانس افندی (خزینة خاصه ناظری اوخانس پاشا) ودها دیگر ذواندن متشکل بر هیئت طرفندن فرانسه اصول محاکماتی ترجمه ایدلدیکی کبی فرانسه و باجیقان آلنان قوانین ایله قانونلریمز بر درجه اصلاح ایدلمش ایسه ده زمان زمان بر جهندن محاکم شرعیه ده و بر جهندن محاکم نظامیه ده رؤیت اولنان عین کیفیتلره متعلق خصوصانده بر جهنک ویردیکی حکمی دیگر جهت حیلۀ شرعیه نامی آلتنده اجتهادلرله تفسیر ایدیه رک حق مضمون و اورنادن قالمش و کیفی معاملات ایله زوالی خلق ازیله ازیله حق طبعی سندن بیله محروم قاله رق

انسانانگدن چیقارلمشدی . صوک مبیجل انقلابمک و طنبرور قهرمان و یوکسک مفکوره لی
شخصیتلری بیوک منهجی نک دهاسندن نور آلهرق مدنیت شاهراهنده هر شینی یکیدن قورمغه
ومشیت و آهنگ اجتماعی بیکی تلقیلر ایله تنظیم ایتکی درپیش ایدرک اوروپا قوانین مدنیلرینک
اک عصریلرینی آلهرق قوانینمزی اصلاح ایتمکده اولدقلری شوزمانده معنوه قانوننامه لریزده
ذکری بیله کچمیان و حالوکه بتون جهان مدنیت قانوننامه لرنده برر ماده مخصوصه سی
بولان و باشلی باشه برجرم عظیم اولان قتل ولید مسئله سنه دایر بر قاج سوز سوبله مک
البت فائده دن خالی اولماسه کرکدر .

قتل ولید یکی دوغان چوجقلرک تولدیرلمسنه دینور . اوتهدنبری طب قانونی کتابلرنده
مهم بر بحث اولان قتل ولیدی یکرمی اوچ سنهدنبری استانبول و شام طب فاکولته لریله
دارالفنون حقوق فاکولته سنده تدریس ایتدیکم طب قانونی درس لرمده و مبحث مخصوصده
طایفه لرنه تقریر ایدر و تطبیقات عملیه سفیده کرک طوشان و کویک یا ورولری اوزرنده و کرکسه
تولو دوغان چوجقلرک فتح میتلرنده کوسترردم .

قتل ولید ، نفع و یا حصر وراثت ایچون و یا عیب فحشی ستر و یا چوجقلک چیرکینه
وقصورلی دوغوش اولسی مناسبتیه کویا عزت نفس و شرف عائله یی و قایه ایچون یا بیلان
الیم بر جنایتدر .

آوروپا قوانین جزائییه سنده قتل ولیدک قتل عایدن آیری احکامه تابع طوتلسنک یعنی
ولید قاتلنک اعدام ایله تحزیه سنک الک بیوک سببی قتل ولیدک محقق صورتده متعمد بر قتل
کیفیتی اولسنه بناء در . و چونکه یکی دوغان بر چوجقلک قاتله - قاتل ابوین دخی اولسه -
قارشى هیچ بر جرمی قباحی اولامیه جنی کی کندیسنى مدافعه و یا قتلدن قورتلقی ایچون
چاره یه توسل ایدمک قدرتی اولمادینی ، و خلقت حقوقی محافظه وصیانت ایدن حکومتمده
موجودیتدن هنوز خبردار اولامیه جنی ایچون ازاله وجودلری قولاید . و حق جنایتک وقوعی
استخبار قانسه دخی کیفیتک قتل ولید اولمادینی و چوجقلک دوغارکن قضاء و یا بعدالتولد
عارضه تلف اولدینی و یا خودده حیاتی تهلکده اولان لحوصه نک حیاته چالیشلمق دولایسیله
چوجقله لازم کان اهتمام یا بیله مدیغندن تولدیکفی و خلاصه والدمسنک قویننده آمریررکن
قضاء بوغولدیغنی سوبلک صورتیه قورتلقی چاره لری ده اولدیغندن اوروپا قانونشناسلری
اجراسی بو درجه قولای اولان بر جنایتک اوکی آلق ایچون بوخصوصده شدید مواد
قانونیه وضعی مناسب کورمشلردر .

واقعا تعمداً واقع قتلارك جزاسی بزرده اعدام اولدیغنه و قتل ولیدکده حین محاکمه ده بر قتل تعمددن بشقه برشی تلقی ایدیه میه جکته نظراً بالنتیجه ولید قاتلارینک بزرده اعدام ایله تجزیه ایدیه کادکلی ایلری سوریلرک بوکا دائر آیریجه بر ماده مخصوصه قونولسنه حاجت کورمه یئر اولورسه ده قتل ولیدلرک مملکت بزرده زیاده کوریلن وقوعات جنایه دن اولدیغی وبالاده عرض ایلدیکم وجهله چوجغک کرک انشای تولیدده و کرکسه بعدالولاده قضائی و عارضی و مرضی بر چوق صورتده تولدیکلی ایلری سوردرک مدافع لارک تخلیص نفس لری اکثر یا کوریه کلمکده اولدیغندن و بالخاصه بش یحق سنه لک مورغ مدیر یم اناسنده بر چوق قتل ولید فتح میتلری یابدیغمدن مملکت بزرده بو نوع قتلک سائر ممالکده اولدیغندن آز دکل بلدکده فضله بریکون طوته جغنده شهیم قالدیغندن بوکا دائر بزرده آروجه بر ماده قانونیه وضعی لاید کوریمورم .

قتل ولید Infanticide کلمه سی و قتیله بزرده اعدام صبی دیه ترجمه ایدیه لرک طب قانونی کتابلریم بزرده اعدام صبی دیه یازلدیغی کی زمان تدریس بزرده خواجه فضیلت مند مرحوم رشدی پاشا طرفندنده اول صورتله او قوتدیرلمشدی .

مشروطیته قدر بو صورتله مدون اولان Infanticide کلمه سی مؤخرآ سلفم مرحوم بهال دین شا کرک طرفندن ائتلاف مولود دیه ترجمه ایدلمش و اعدام صبی برینه ائتلاف مولود قوللانیقله برابر اعدام صبی کلمه سی ده بتون بتون آتلاش و مترادف اولارق قالدیغندن کاه ائتلاف مولود و کاه ده اعدام صبی کلمه سی استانبول طب فاکولته سی تدریس اتنده و بو مسئله دائر کرک مورغ طرفندن و کرکسه اطباء سائر طرفندن ویریلن راپورلرده استعمال ایدلمکده و یا کلش اوله رق ائتلاف مولود عارضی ، ائتلاف مولود ذهولی و سائر کی تقسیم اتده یا بلقمه ایدی . بنده کز شام طبیه سنده طب قانونی تدریس ایدرکن اکثر اصطلاحات طبیه لر کی یا کلش اوله رق ترجمه و وضع اولان بو کلمه یی قتل ولید دیه ترجمه و قبول ایلیم و چونکه اعدام صبی تعبیر مرکبده اعدام کلمه سی قانوناً انعدامی لازمکن اشخاصه حکومتجه ویریلن جزای سزاک مقابلی در یعنی سیاستاً حکومتجه تولدیریلنلره ویریلن اسمدن فلان شخص اعدام ایدلمشدر دینلدیکی زمان بر جرم مقابلی اوله رق حکومت طرفندن تولدیرلمش دیمکدر . ائتلاف کلمه سی ده بزرده اکثریتله حیوانات ایچون قوللانیلور بالخاصه مضر حیوانلری اولدیرمکه علم اولمشدر . ائتلاف فار ائتلاف خنازیر و سائر کی . بوکا بناءً اعدام کلمه سی قدر بوده یا کلش اولدیغندن اعدام و ائتلاف کلمه لری برینه انسان اولدیرمکه

مقابلی اولان قتل کلمه سی وضع ایتدک . صبی کلمه سنه کانجه بو کلمه عربجه اوغلان چوجقلمه علمدر . و اوغلان چوجقلمه تابلوغه قدر وحق یکر می یاشنه رشدینه قدر صبی دیر لر . و حالوکه بو صورتله اولدیریلن اوغلان وقیز چوجقلمی اوله جنی کبی بالخاصه بوچوجقلمک یکی دوغانلری مراد ایدلایکندن بو کلمه ده هرجه تله یا کاشدر . بونی بها مرحومه تنقید ایتدی کمز زمان کندیس اعدام یرینه اتلاف وصبی یرینه ده مولود کلمه سی قویارق آنفا عرض ایدلایکم وجهله اتلاف مولود دیمشدی . مولود کلمه سی ده قوللانیلاماز . انسان اولسون حیوان اولسون دوغوران والد و دوغانده مولوددر . حالوکه Infanticide دن مقصد هر دوغان مخلوقه یاپیلان تعدی دکل یکی دوغان چوجقه یاپیلان تعیدرکه عربلر یکی دوغان چوجقلم قیز اولسون اراکک اولسون ولید دیدکلرندن بزده بوکا بنساء « قتل ولید » ترکیبی قبول ایدرک ۳۲۵ سنه سندبری تدریساتمزد اولصورتله قوللانیغمز کبی بش بحق سنه مورغ مدیریتده بولوندیغ زمانلرده ده راپورلریمزد « قتل ولید » دییه یازیوردم . اشبو کلمه مرحوم رفیق طب فاکولته سی طب قانونی مدرسی وصفی بک طرفندن قبول اولمشدی .

ورده قتل ولید مسئله سنده چوجقلمک سننی یعنی قاج آیلق اولدیغی تعیین بختنده Mouveau né کلمه سی کچرکه قدما بونی طفل نوزاد دییه ترجمه ایدرک تعیین سن صدندنه طفل نوزاده کک درجه سی دییه اوزون بر ترکیب قوللانیلردی . بزم قوللانیغمز ولید کلمه مقابلنده ایسه ساده جه ولیدک سنی دیجه کیفیت تماماً آکلاشیلیور و چونکه عربلرک قابلیت حیاتیه دورینه کلوب بر حیات اوله رق آلتی یدی آیلق دوغان چوجقلمده بو اسمی ویردکلرینه و اصلاحات طیه مزک عربجه دن اخذ ایدلایمکده اولمسنه و Infanticide کلمه سنک مدلولی ده قابلیت حیاتیه دورنده بر حیات اوله رق یکی دوغان چوجقلمی قتل دیمک اولمسنه نظراً قتل ولیده تماماً اونک مقابلدر . چوجقلم والد لرندن یا علی الا کثر اولدیغی کبی طقوز ماه قری واون کونده که تام الولاده اوله رق دوغار، ویاخودده ۶ آیلق ، یدی آیلق ده ، سکزنجی آیلقده و خلاصه قابلیت حیاتیه دوری اولان آلتی آیدن اعتباراً طقوز آبی اکال اتمه دن هر هانکی بر زمانده اکسیک اوله رق دوغار . وپک نادر اوله رق ده طقوز آبی یعنی ۲۷۵ کونی اکال ایتدکدنصکره بر آبی ویا ده افضله جه حیات داخل رحمی یاشایه رق دوغار که فرانسه قانون مدنی سی آلتی آیلق یعنی ۱۸۰ کونلک دوغاندن اعتباراً اوچوز کونلکه قدر دوغانی صاحب فراشک عد و قبول ایدر . هملک بدایتدن انتها سنه قدر هر هانکی بر زمانده

چو جق آنه سندن ئولو اوله رق دو غارسه لسان قانونده سقط و فعله ده اسقاط جنین دینور .
 بمحتمزه تعلقی اولما مقوله برابر اسقاط جنینه عائد شو بر جمله یی یازمقدن مقصدیمز شودر که
 آلتی آیدن دو قوز آیک نهایته قدر یعنی چو جقک تام الولاده دورینه قدر اولو دو غمه سیله
 دیری دو غمه سی آره سنده کی فرق قانونی یی کوسترمک ایچوندر چو جق ئولو اوله رق دو غدیسه
 عارضی ، عرضی ، مرضی قصدی سبب نه اولورسه اولسون فعل ، اسقاط جنین در .
 فقط چو جق آلتی آیلای یعنی ۱۸۰ کوناک بر حیات اوله رق دو غد قدنصکره ئولدرماش
 ایسه فعل قتل ولید فعلنددر .

کوک والد سندن ئولو اوله رق دو غمش و کرکسه بر حیات دو غوب بر آن یاشاد قدنصکره
 عرضی ، مرضی ، ذهولی ، قضائی بر سیله چو جق ئولش بولونور و کیفیت تفحصات
 طب قانونی ایله تأید ایدرسه یعنی چو جقک قصدی متضمن بر صورتده ئولدرلمدیکی تعین
 ایدرسه قتل ولید فعلی یوقدر .

قتل ولیده دائر اوروپا قوانینده کی ماده قانونیه لری اکثر بسنده فعلک فاعلی اعدام
 ایله تجزیه اولنور .

قتل ولیدی بالاده تعریف ایتدی کمز وقت یکی دوغان چو جقک ئولدرلمسی کیفیتیه
 دینور دیمشدک . بویکی دوغان چو جقک مقصد نه در . و بر چو جق نه وقته قدر یکی
 دو غمش عد اولونور؟ بوکا دائر فرانسه قانونلرنده بر تعریف اولمادیکی کی فرانسه اطباء
 قانونی سنسکده (یعنی اهل خبره مک) بونی تعینیه صلاحیتلری یوقدر . آنجق راپورلرنده
 چو جقک شوقدر کونلکدر دیرلر .

آلمانیا ده چو جقک جبل سربسنگ [۱] سقوطنه قدر چو جق ولید عد ایدلمکده در .
 بعض مؤلفین چو جقک اوزرنده اوساخ دهنیه بولندیکی مدتجه ولید عد ایدیله بیله جکفی
 و بنا برین بوزمانده ئولدرلیدیکی تقدیرده فعلک قتل ولید اوله بیله جکفی ایلری سورمشلردر .
 سویله مک حاجت یوقدر که ولید والد سندن حین تولدنده ظهرنده قولتوق آلتلرنده وقاصیق

[۱] رحم مادرده والد ایله چو جق آره سنده اشتراکی تأمین ایدن و والد مک قاتی چو جقه
 نقل ایدوب بوضورتله چو جقک تنفسنه تقدیسنه نمانسه خدمت ایدن قان دامارلینی حاوی و مشیمه
 مادرانه دن چو جقک قارینه قدر اوزانوب چو جقک قان داماریلر برلشن کوک قوردونیدر که چو جق
 دو غنجه آبلر طرفندن چو جقک کو بکندن اعتباراً یدی سکز سانتیمتر و لک قسمندن بر ایلیک ایله
 باغلاند قدنصکره قطع اولونور و بویارچه ده تام کوک محالده درت بش و بعضاً یدی کون ظرفنده
 بالتقیح دوشر ویری تندب ایدر که کوک چقوری حاصل اولور .

چوقورنده وقبا ائلرینک بو کوم یرلرنده اوساخ دهنیه دنیلن وازه لینه مشابه یاغمسی بر ماده واردر . بو ماده ولید دوغونجه وازه لینی پاموقله تمیزله مک صورتیه چیقاریلیر وبانیو ایدیلهرک ییقانیر وقوندغه صاریلیر . ایشته بو کی تدابیر یاپلدقدنصکره کی قتلك قتل عادی عد ایدیلوب قتل ولید عد ایدلماسی لازمکه چکی فکری بعض حقوقشناسان طرفندن سرد ایدلمش ايسهده بو نظریه کیمسه طرفندن قبول ایدلماشدر . و برده ولید دوغونجه آرقه سنک بر چوق یرلرنده بالخاصه اوموز کیمکری اوزرنده وقوللرنده اوبار دنیلن اینجه آیوا توکاری بولونورکه بونلردرت بش کون ظرفنده دوکولور . ایشته بونلرک موجودیتی مدتیچه چوجغک ولید عد ایدلماسی بولمیدینی تقدیرده ولیدلک دن چیقمش اوله جغی ایلری سورهرک قتلك آکا کوره قتل ولید ویا قتل عادی عد ایدلماسی موافق بولورلر فی الواقع اوبار مذ کوره مک سقوطی وچوجغک جلدینک رنک طبیعی آلمسی کی حالات اعظمی درت بش کونده اولورسدهده بعض چوجغک تولدلرنده هیچ اوبار بولمیدینی وبعضیلرنده بالخاصه بر آزا کسک دوغانلرده پک چوق بولونمقله برابر اوله درت بش کوندهده دوشمدیکندن بونگده باشلی باشنه بر عرض بر دلیل حقیقی عد ایدیلهرک حکم قطعی ویرلمی غیر جائزدر .

ولیدک رحم مادرده باغیر صاقلرینک افراز ایتدیکی یشلمسی سیاه رنکده ومخاطی بر ماده واردرکه تولدی متعاقب چوجق بونلری دفع ایتمه باشلار واعظمی ۲۴ الی قرق سکز ساعت ظرفنده آرتق بوندن اثر قالماز . بوکا Meconium عقی دیرلر محترم خواجه من بسم عمر پاشا حضرتلری عقی کله فیه سی قوللانمقله برابر ترجمه مقابلی اولارق قاقا کیمه سی قوللانیورلر . بو ماده مک بعد التولد قالین باغیر صاقلرده هیچ بولنماسی چوجغک اصغری قرق سکز ساعت قدر یاشادیغنه دلالت ایتدیکی ایلری سورهرک بوکا استناداً قتلك ، قتل عادی ویا قتل ولید عد ایدلماسی موافق اوله جغی بیان ایدن مؤلفین محترمهده وارسه بونکده کاملاً اندفاعی زمانی بللی اولمیدینی کی بالخاصه نقصان دوغان ولیدلرده درت بش کونده دوام ایده بیله جکندن بوکاده باشلی باشنه استناد ایدهرک حکم قطعی اعطاسی جائز دکلدر . خلاصه نقطه تعظمیه بکلارک قطربنه کوره ودها دیگر بعض خصوصاتک هیئت مجموعہ سی نظراعتبارمه آینه رق برچوجغک بعد التولد قاق کون یاشادینی کسیدریله چکی وهیچ اولمازه غایت آز بر خطا ایله تعیین قیلنه جغی محقق اولمقله برابر فرانسهده اطبا ولیدلک مدتی حقهده قانونده کون تصریح ایدیلهمدیکنه بناء رابورلرنده آنحق چوجق

اوزرنده کوربان شو و بو علامه و فتح میتندن استنتاج ایدیان دلانه کوره شو قدر مدتلك چو جقدر دیرلر بونك ولید Nouveau né عد ایدیلوب ایدلیه جگنی ده ژوری هیتی تعیین ایدر .

قتل ولید استباهنده اطباء قانونیه نك و حكامك نظر دفته آله جقلری خصوصیات بوجه آیدر :

- ۱ — ولید تام الولاده میدر و یا قاج آیلق دوغمشدر .
- ۲ — بعد التولد یا شامشیدر تعبیر آخرله ولید بر حیاتمی دوغمشدر .
- ۳ — ولیدك تولومك سببی ندر . یعنی مرضی عرضی ذهولی تقصیری می تولمشدر و یا قتل ولیدمی در .

۴ — بعد التولد نه قدر مدت یا شامشدر .

۵ — بر بشنجی اوله رقدده ولید توله لی نه قدر اولمشدر .

شمدی صره ایله بو مسئله لری حل ایدلم :

۱ — تام الولاده می و یا قاج آیلق دوغمشدر :

سویلمکه حاجت یوقدرکه چو جق رحم مادرده آتی آبی ا کمال ایتد کدن صوکره بر حیات اوله رق هانکی آیده دو غارسه دو غسون یا شاه بیلیر و طب قانونی نظرندن ولید اسمی آیر . حالوکه فن ولاده ده طقوز آبی ا کمال ایتیان تولد لرله تولد قبل الميعاد دیرلر . طب قانونیده تولد قبل الميعاد تعبیری یوقدر . چو جق قابلیت حیاتیه دورینه کلد کدن صوکره . که آتی آبی ا کمال ایتمش چو جقلر قابلیت حیاتیه دورینه کلمش اولورلر . بر حیات اوله رق هانکی آیده دو غارسه دو غسون ولید آدینی آیر و کیفیت تدقیق اولنورکن قتل ولید مسئله سی تعقیب اولنور . اگر چو جق تولو دو غمش ایسه کیفیت سقط جنین حادثه سیدر وقاج آیلق ایسه اوکا کوره شو قدر اق سقط دینیر . چو جق ایستر تام الولاده اولسون ایستر سه آتی آبی هنوز ا کمال ایتمش و تولد یرلمش اولسون مسئله قانون نظرنده بر در . بوکا بناء چو جقلر آتی آیلقدن دون اولمادیغنی و یعنی قابلیت حیاتیه دورینه واصل اولوب بر حیات دو غدیغنی فنا تعیین ایتك لازمدر . او حالده بوراده آتی یدی ، سکز طقوز آیلق چو جقلر احوال جسمانیه لرندن صره ایله بحث ایتك ایجاب ایدیور سه ده آتی یدی سکز آیلق چو جقلر احوال جسمانیه لرینی اسقاط جنین بحثده سویلدیکمزدن هم تکرارندن توقی ایتمش اولق و همد قتل ولیدلرک اکثر یا ا کمال مدت حمل ایدرک دوغان ولیدلرده یا لمقدمه اولدیغندن

نام الولاده بر ولیدك كفی سه وبله به جكر طقوز آخی اكال ایده رك دوغان چوجغك یعنی
نام الولاده ولیدك احوال جسمانیه سی :

متخصص بر كوز چوجغك تشكالات عمومیه سنه شویله بر نظر عطف ایتمكه تام ویا
ناقصه الولاده اولدیغی تعیین ایده بیلیر . مع مافیه بوخصوصده برچوق نقطه لری تدقیق ایتك
ایجاب ایدر .

۲- ثقلت ولید : یكی دوغمش تام الولاده برچوجغك ثقتی علی الوسط ۳,۵:۳ کیلو غرام دره .
بعضاً ۴ کیلو و مسائنا اوله رق ۶ کیلو دوغدیغی ده واردر . وسطی اوله رق قبول ایتدیكمز
اوچ کیلودن بعضاً آشاغی ده اوله بیلیرسه ده ایكی کیلویه قدر ایندیكی بك نادر در . مع مافیه
بعضاً حیات داخل رحمی ده چوجغك نشوونماسنده هر هانكی بر سبب دولایسیله تغدیسنده کی
بر تغیره بناءً بر بچق کیلو وحتی بر کیلوا یکیوز غرام تام الولاده دوغان چوجق لر کورولمشره .
يكی دوغان چوجق لر يشاد قلی ایلک كونلر ظرفده دوغدیغندن ایکیوز ، ایکیوز اللی
غرام قدر ضایع ایدر لر بونك سببی ده دوغار دوغماز تغدینك تبدلی دولایسیله دره . بوندن
بشقه چوجق تولد کدنصکرده سطح بدنندن وقوعه کان تجیرات حسیدله ده ثقلندن خلی
غائب ایدر لر . اگر چوجق تفصح ایتش ایسه اولصورتله ده ثقلندن اکسیله جکدر .
یونلره بناءً ثقات ضایعاتی اوچ درتیوز غرامی بولور . ایشه بوندانطولایدر که کیفیته اك اوله
وضع ید ایدن پولیس ویا پولیس طیبیلری طرفندن تثبیت ایدیان چوجغك وزنیله فتح میت
یابان طیبك قید ایتدیكی وزن آراسنده آبی تفاوت کورولور .

مع مافیه بز چوجغك یالکوز ثقتی اوزرینه ابتناء کیفیت ایتیه جکمز دن چوجق لر ایستر
بك ضعیف دوغدیغندن ایستره بوکی شیلرله ثقلتلرندن اکسیلیمش اولسونلر؛ سائر نقاط
استکشافیه بی ده آراشدیره رق چوجغك قاچ ایلق اولدیغی تعیین ایده رز .

ب — تام الولاده چوجغك طولی: یكی دوغان تام الولاده چوجغك طولی علی الوسط
۵۰ سانتیمتر دره . مع مافیه ۴۶ سانتیم ایل ۵۴ سانتیم آرسنده دوغان چوجق لر چوقدر .
بوکا بناءً تعبیر عمومیه تام الولاده چوجق لرک بویلی ۴۵ سانتیمدن دون و ۵۸ دن
افزون اولامدق لرندن بوحدودلر قاعده عمومیه اوله رق قبول اولنمشره .

چوجق لرلی اولچمك ایچون مخصوص یابلمش اولچو آلترلی واردر . بو آلتر سانتیمتر و
تقسیماتی بر جدول تحت سیله بوکا عموداً و متحرک بر صورتده قونیلیمش دیکر قطعه لر واردر .
بومتحرک اقسام آرسنه یا تیریه رق باش اوجنه ونام ذروه رأسنه او متحرک قسم ویده سیله

تثبيت ايدملك اوزره تماس ايتديريلير . طابانلري (احصا القدي) ده ديكر عموده تماس بر وضعتده بولنديره رق جدول اوزرنده كي عدد چوجغك طولی اوله رق قيد ايديلور . دوعري اولچمك ايچون مساحه ايدر كن چوجغك ديزلري اوزرينه باصمفي اونوتاملدير . چوجغك ديزلرينك خفيفجه بوكولى قالمسى برقاج ساتيم فرق حاصل ايدم بيلير . بويله درجهلى اولچو آلنلري اولساديني زمان چوجق دوز بر ماصه نك اوزرينه صرتي اوسته . ياتيريلوب ديزلرينك اوستده آغرجه بر كوتوك قويه رق افقيي تايمين ايدلد كدنصكره تيه سته افقياً عادى دوز بر تحته وطابانلرينه ده ديكر بر اينجه تحته دايابه رق طولی تثبيت ايدلد كن صكره بوقسم عادى مه زوره ايله اولچولور .

ت : چوجغك باشنك اقطاريخوده اولچمك لازمدر . يكي دوغمن تام الولاده برچوجغك اقطار قفويه سندن اقطار قفوى جبهى سى على الوسط ۱۰۵ ميليمتروايه ۱۲۰ ميليمتروآره سنده تخالف ايدر . قطر بين الجداريسى ده ۸۵ الى ۱۰۰ ميليمترو و قطر قفوى ذق سى (آرقه قفاسنك چيقينلى نقطه سندن چكه سيوريلكنه قدر اولان قطر) ده ۱۳۰ الى ۱۴۰ ميليمترو آره سنده در .

ث — فخذك نهايت سفليه سنده كي نقطه تعظمية : حملك صوك اون بشنجي كوني ظرفنده چوجغك فخذينك نهايت سفليه سنده كي غضروفده (قيقيرداقده) بر نقطه تعظمية بيلير كه بوني ايلك دفعه بكلاز نام ذات كشف ايتديكي ايچون نقطه تعظمية بكلاز اسمى ويرلمشدر . ايسته بو نقطه تعظمية نك كورولمى چوجغك طقوز آياق اولديغه دلالت ايتديكي وبالخاصه چوجغك طول و ثقلت و اقطار رأسيه سى كى بيوك تحوللر كوسترمديكي ايچون پك قيمتداردر . بوني كورمك ايچون چوجغك ديز قباغى مقعرى يوقارى يه متوجه آى كى كسيلاير و بصورتله عظم رضفسي (ديز قباغى كيمي) يوقارى يه دوعرو قالدريله رق ديز مفصلى (مفصل ركه) ميدانه چيقارلد كدنصكره مفصل باغلى (اربطة مفصليه لرى) كسيله رك عظم فخذك نهايت سفليه سى ميدانه چيقاريله رق كسكين بر يچاق ايله بونه ايتنده بياض اوله رق كوريلن قيقيرداق محور عظمه عموداً تماس بر طرزده اينجه پينير ديلمى كى كسيلاير . اوكه يچاق قولايلاقه بواينجه ديلملى ديلر كن برقاج ديلم صكره يچاق سرت بر محله تصادف ايدره رك ديلر ؛ بوديلم قالدريلوب كسيان محله باقلدقه بياض قيقيرداق (غضروف) سطحى اوزرنده قيرمى و مرجك شكلنده بر نقطه كوريلير كه ايسته بونقطه تعظمية در . اولاً كوچوك بر نقطه جق حائده كوريلن بونقطه تعظمية متعاقب اينجه

قطر يارلاق دىن كىرە بىوچىك اولەرق كور ياپىر و صوكرە قطەرلەر تەقاب ايتىدىكە تىكرار كوچولور و نهايت غائب اولور . ايشته بوبليرەن كىك نطقەسى ايىكى طرفى تومسك (محب الطرفين) برعدە سىكەندە اولدىغىن اولايىچاغاك كىدىكى قطاع كرەلر كوچوك اولەجىنەن كور يان نطقەدە قطر اعظم كوچوك كوزو كور و متەقاب قطەرلەر دىن كىرە كرەنك مركزىنە كلندىكى ايجون قطر بويور و تىكرار بوندىن كىرە يىنە صفرە منقلب اولونجىيە قدر كوچولور . بو كور يان نطقە تعظيە نازە ئولور دە بياض قىقىرداغاك اور تاسىندە دىن جىك دىدىكم كى قىرمىزى رىكەدە و فقط تفسىخ ايتىش ئولور دە بالەكس قىقىرداق قىرمىزى و بو بياضمى رىكەدە كور يولور كە تام اولان و هنوز دوغىش چوچىقلردە بونطقە تعظيەنك مقطاعنك قطرى برىچق مىلەتروند بش مىلەترويه قدر تخلف ايدر .

نطقە تعظيە بىكلارك تام الولادە دوغان چوچىقلردە پك وحقى پك چوق مستىدا اولەرق كور ولىدىكى واقعدە . محترم فاضل وىر ۲۵۰ قتل ولىد و قەسندە آنجىق بر دفعە تكمىل سائر نقاط استكشافىه چوچىك تام الولادە اولدىغى كوستردىكى حالده اشبونطقە تعظيەنك كور ولىدىكى سويلور . بش بىچى سنەك مورغ مىر تىمە بر چوق ولىد فتح مىلرندە بونك عدمە راست كىدىكم كى سورىدە شام طب فاكولته سى طب قانونى خواجه لغندە بولوندىم اون سنە طرفندە محاكم طرفندە اختبارى بكاحواله قلنان قتل ولىد مسئله لرندە كى فتح مىلردە اولسون ويا طابىيە تدرىس دە براى عمليات يابدىم ولىد فتح مىلرندە بونك عدم موجوديتە هىچ راست كىدم . پروفور لىمان ۱۳۴۱ و قەدەن اون درندە نطقە تعظيەنك عدم موجوديتە تصادف ايتىدىكى يازىور . مع مافىه حكىملىكە بر خستەلق تشخيص اولونور كن بر عرضە استناداً نصل تشخيص مرض ممكن دكلسە بومسئله دە نطقە تعظيەنك عدم موجوديتە ولىد تام الولادە اولمايغىنە حكىم ايدىلور سائر نقاط استكشافىه ده آراشديريلور . نطقە تعظيە بىكلارك موجوديتى يالگىز چوچىك تام الولادە دوغدىغىنە دليل تشكيل ايتىز بونك بىوچىكى ويا كوچوكلىكى بعد الولادە چوچىك نە قدر ياشايدىغىنە دلالت ايدر كە بونى آتيا سويلەجىز .

ج — عظم فك سفلى استناخنك (آلت چكە كىكى ديش چوقورلرىنك) حجاب الاشمى : چوچى رحم مادردە ايكن تكمىل بدىندە بر طاقم تكاملات كچىرەك بويور بوميانده آلت چكەسندە قىقىرداق حالده بولنان كىكار ايجندە بر طاقم حجابلر پردەلر حاصل اولەرق چكە كىكنك ايجندە ديش بووالرىنى ميدانه كىتيرىلر و چوچى و قشندە

دوغدینی زمان بونی معاینه ایتدی کمزده بویوا جقلرک پرده لری ویا دیوارلری قسماً تاماملانمش برحاله و قسم دیگرنده هنوز دیش یوالری تماماً تحجب ایتهمش یعنی بولونه رک چوقورلر آری آری حاصل اولمالمش اولدینی حالده کوریلورکه طب قانونیده چوجنک تام الولاده اولوب اولمادیغنه دائر نقاط استکشافیه میانده بونکده مهم بریری وارد .

بودیش یووالرینی معاینه ایچون آلت چکه کیکی مفصلندن اصولی وجهله چیقارلدقن صکره کیچک دیش چیقاجق اولان حافه سنه (کنارینه) کسکین بریچاقله ایجه قطعلر یاییلرکه ایکی اوچ ایجه قطعی متعاقب اوکچدن دوم دوز کوربان کیچک مقطعه برطاقم یووالر کوزوکه که باشلار وحق ایچریسنده مینی مینی دیش بیله کوریلور . بودیشلر عملیات ییچاغنک سیوری اوجیله چیقارلدقن صکره چکه کیکنه باقدیغمزده اوک دیشلرک بولوندینی دیش چوقورلرینک تماماً آیرلدینی وبعی هر دیشه مخصوص یوواجنک حاصل اولدینی و فقط یان اوکودیحی دیشلرینک (اسنان مضفیه نک) یووالرینک تک بیوک بر چوقور حالده بولوندینی و هنوز پرده لرله ویا دیوار جقلرله آیرلدیلرینی تعبیر فیدسیله تحجب ایتدکلرینی کورورز . اکر چوجق تام الولاده دکلسه بواوک دیشلرینک یرلرینکده تحجب ایتدیکی کوریلور .

ح — بوبش نقاط استکشافیه دن بشقه تام الولاده دوغان چوجقلرک طرناقلرینک انامیلی (پارمق اوچلرینی) چکمش اولمسی وباش پارمقلری طرناقلرینک ایسه انامیل حنا سنده بولنمسی ، جلدینک هر طرفنده آیوا توکلرینک وموادده نیه نک بولنمسی وصاچلرینک ایکی اوچ سائیمه ترو راده سنه کلش اولمسی و خصیه تاننک طوربه لره (صافن) . ایتمش بولنمسی کی نقاط تفحصیه نکرده مشاهده سی ولیدک تام الولاده اولدیغنه برهان تشکیل ایدر . بعض وقوطانده ولیدک هیئت مجموعه سی آله کچمز و مثلاً برولید باجانی ویا قولی ویا باشی ویرانده بولونمش اولورکه بونلرله ده چوجنک تام الولاده اولوب اولمادیغی بدرجهیه قدر کسیدریله بیلور .

نته کیم چوجنک یالکیز باجانی ویا چکه کیکی آله چکمش ایسه دمینجک سوبلدیکمز نقطه تعظمیه بکلار ویا تحجب سی کیفیتنی تدقیق ایدرز . اکر آله کچن عضو باجاغک اوست قسمی دکلده بالدر قسمی ایسه عظم قصبه نک (قالین بالدر کیچک) یوقاری نهایتده بر نقطه تعظمیه موجوددرکه طبق بکلار نقطه سی کی بونی آرار و تدقیق ایدرز . بو نقطه تعظمیه بکلار نقطه سندن ده اوفقدر . اکر انزه یالکیزجه آباق چکمش ایسه عظم زردیده

(یان طوبوق کیکننده) نقطه تعظمیه آراز بو ۲ : ۳ ملیمترو قطارنده کوریلور که بونقطه تعظمیه حملك صولك آينك نصف أخیرنده تحصل ایتمکه باشلار . عظم عقبده (اوست طوبوق کیکننده) ده وعظم کعبده (اصل طوبوق کیکننده) ده نقاط تعظمیه آرانیر و کوریلور سه ده بونلر یدنجی آیده تحصله باشلادقلرندن دوعرودن دوعرویه تام الولاده چوجقلره خاص برنقطه تفحصیه ویا استکشافیه کی تلقی ایدیله من . مع مافیه یکی دوغانلرده بونقطه تعظمیه نك قطری برسانیمترویه یقین بولونور که بوده چوجنك تام الولاده اولدیغنه دلالت ایدر وایسته بونلرله بولنان اقسام عضویه نك تام الولاده برچوجنك اولوب اولمادیغی آ کلاسیلور .

خلاصه اقسام بدنیه نك طولاری واحشای ولیدیه نك وزنلریله ده قسماً بولنان ولیدك تام الولاده اولوب اولمادیغی بروجه آتی جدولہ باقارق تثبیت ایده بیلیرز .

قمة رأسیدن ارتفاق عانهیه قدر طول ۰,۳۰ سانتیم

ارتفاق عانه دن عظم فخذك ایچ بکره سنك حدیه سنه قدر طول ۰,۹۵ ملیمترو یعنی طقوز بچق سانتیم بکره فخذیه انسیه دن عظم عقبك نهایت سفلی خافیه سنه قدر طول ۰,۱۰۵ ملیمترو یعنی اون بچق سانتیم

نتؤ اخرمیدن عظم عضدینك لقمه سنه قدر طول ۰,۹ سانتیم

لقمة عضدین عظم زندینك نتؤ ابرسنه قدر طول ۰,۷ سانتیم

صاغ رنه نك (صاغ آق جكر ك) وزنی ۲۳ غرام

» ۲۸,۵ »

» ۱۵ »

» ۸,۵ »

» ۹۱,۵ »

» ۲۸۸,۵ »

» ۸ »

» ۱۱,۵ »

تموس

کبدك (قره جكر ك)

دماغك (بینك)

طحالك (دالاق)

کله لرك (بوبرك ك) هر برینك

احشانك وزنك قیمتلی مارالعرض کیكلرك طولاری قدر قیمتی حائر دكلدر . زیرا احشانك وزنی حاوی اولدیغی قانك مقداريله آرزو یا چوق کله بیلدیکی کی تفسخ ایلرولش برحالده ایسه وزنلرندن غائب ایتمش اوله جقلرندن طبابت عدلیه ده آیی براولچو عدایدیله من . فقط نه ده اولسه سائر نقاط تفحصیه یار دیم ایدیجی دلیلار دندر . چوجنك مشیمه سنك

معاینه سیده فائده ایدر . معلومدر که مشیمه حیات داخل رحمینک اوچنجی آینه تحصیل ایدر . (چو جقدن کان کیرلنش قان ایله والددن کان تمیز قان مشیمه ده کی قان کولچکلرنده طوپلانیر بورادن چوجغک کیرلی قانی والده نك سیاه قان دامارلریله والده طرفه ، والددن کان تمیز قانده چوجق طرفه کچهرک چوجغک نشو ونما سینه خدمت ایدر) وچوجق دوغدیغی زمان مشیمه نك قطر کبری ۱۶ : ۱۹ سانتیمتر و قطر صغیری ۱۳ : ۱۶ سانتیمتر و ثخنی ۳ سانتیمتر و اولوب ۵۰۰ : ۷۵۰ غرام وزننده در . مع مافیه مشیمه عقیب ولادته بو اوصافده اولوب برآزکمره کرک تجزات دولایسیله و کرکسه تفسیحی مناسبیله وزنندن و طول و عرضندن غائب ایدر .

بوندنصکره چوجغک حیات خارج رحمی باشادیغی کوسترن اوصاف و علامته دائر بحث ایده جکیز که اوده بر باشقه مقاله ده یازیله جقددر .

طب قانونی مدرسی

ادهم عاکف

